



Ф.Ф. Павленков нима
Паль сиктса библиотека-филиал

Паль сиктса литература туялысьяс да гижысьяс

Писатели и литературоведы земли Палевицкой

Литературной памятка
Литературная памятка



Паль сикт,
2014 во

Паль сиктса литература туялысьяс да гижысьяс

2014 воын Коми гижысь чукӧрлы тырис 80 во. Тайӧ пасыс тӧдчана и Пальса йӧзлы, ӧд сиктысь петӧс эз этша коми гижысь да туялысь, а Георгий Иванович Торлопов весиг некымын во уджалӧс Коми АССР-са гижысь котырлӧн правленийса веськӧдлысьӧн. Пальысь петӧм гижысьяс да туялысьяс йылысь ме и кӧсья висьтыштыны.

СИДОРОВ АЛЕКСЕЙ СЕМЁНОВИЧ



Сидоров Алексей Семёнович (комиӧн – Семен Ӧльӧш, 1892-1953) — нималана коми учёнӧй–энциклопедист, филологияса доктор, коми кыв, литература, фольклор да археология туялысь йылысь.

Семен Ӧльӧш чужлӧма 1892 вося йирым тӧлысь 10-ӧд лунӧ Вӧлӧгда губернысь Яренск уездса Пальын (ӧні — Сыктывдін районса Паль сиктын). Помавлӧма Пальын кык класса училище. 1907 воын пырӧма велӧдчыны Тотьма велӧдысьяслӧн семинарияӧ, кӧні сійӧ медъёна велӧдіс кывъяс. 1911 воын Сидоров помалӧс семинария, сы бӧрын вит во чӧж велӧдіс Емва вожын Кониса школаын.

Водзö тöдöмлунъяс босьтöм могысь 1915 воын А.С. Сидоров пырис велöдчыны Вöлөгдаса учительскöй институтö и велöдчис сэни куим во.

1918 воö институт помалöм бöрын Семен Öльöш воис чужанинö. А сэк, 1918 воын, Коми муын ёся сулаліс йöзöс велöдан проблема: колісны грамота йöз. Комияс пöвстысь петісны и гырысь учёнöйяс, аслыссяма гижысьяс и поэтыяс. Но сэки, кор коми войтыр водзын сувтісны могъяс артмöдны выль национально — государственнöй, культурнöй органъяс, грамотнöй йöз эз тырмыны.

Йöзöс велöдöм да местаяс вылын интеллигенция котыртöм могысь 1918 вося лöддза-номъя тöлысь 22-öд лунö Яренскын А.С. Сидоров лöсьöдіс велöдысьясöс дасьтан курсъяс вылын «Коми котыр» чукöр. Тайö вöлі культурно–просветительскöй общество, коді зілис котыртны вöр–ва велöдан экспедицияяс, лöсьöдавны сиктыясын библиотекаяс, музейяс, петкöдлыны спектакляс, паськöдны тöдöмлунъяс лекцияяс да печать пыр. А.С. Сидоров кöсйис восьтыны Коми муын вылысь – выль велöдчанінъяс, научнöй учреждениеяс.

1920 вося öшым тöлысьын А.С. Сидоров котыртіс, кыдзи комиссияса член, Усть–Сысольскын ПИНО (Практический институт народного образования), 7-öд классöдз велöдчысьясöс дасьтан институт. Семен Öльöшыд институтын лои медводдза правлениеса председателöн, лыддис этнография курс, веськöдліс студентьяслöн кружокöн. 1921 воын сійö гöтрасис Людмила Степановна Куратова вылö, коми литературалы подув пуктысь И.А. Куратовлöн племянница вылö. 1923 воын Визин сиктын олысь тестыслöн архивысь сійö аддзис И.А. Куратовлысь гижöдъяс, и сійö жö воö «Парма ёль» журналын йöзöдіс поэтлысь кык неыджыд кывбур да поэт йылысь

статья. Тайö вöлі сöветскöй печатъын И.А. Куратов йылысь медводдза гижöдöн.

1926 вося рака тöлысьын А.С. Сидоров бара мунö велöдчыны Ленинградö. Кык воысь унджык сійö велöдö археология да лингвистика Н.Я. Марр юрнуöдöм улын. Тайö вöлі нималана кыв велöдысь, археолог да этнограф. Сійö чуйдiс коми учёнöйясöс гижны вель уна удж археология кузя. Семен Öльöш йöзöдiс ыджыд небöг — «Знахарство, колдовство и порча у народов коми» (1928 во).

1929 воын А.С. Сидоров лои Ленинградса Герцен нима педагогика институтса доцентöн. Сійö лыддис сэни велöдчысь студентъяслы лекцияяс, коми этнография, археология, кыв йылысь, гижис ассъыс научнöй уджъяс.

Велöдчан небöгъяс водзö дасьтö да лэдзö 1930–öд воясö. 1930–öд воын петö Семен Öльöшлöн шöр школаяслы синтаксисысь учебник.

1934 вося кöч тöлысьын А.С. Сидоров вуджис овны Ленинградö. Сійö сэни куим во чöжöн вöчис унатор: дасьтiс И.А. Куратовлысь кывбуръяс чукöр, пыдiа пырöдчис сэсся нин официальной кывлöн «яфетическiй теорияö», кодöс лöсьöдiс Н.Я. Марр.

1937 вося кöч тöлысь 21 лунö локтöны и сы дорö, шобöны патерасö, асьсö нуöны Каргопольскöй крае. Съöкыд уджысь сэни воштiс дзоньвидзалун, пöрысьмис. Нылыс, Людмила Алексеевна, шуис: «Мунiс том мортöн, а воис куим во мысти старикöн.» Но учёнöй эз ланьтöдчы, эз лэдзчысь.

Некытчö вöлі оз босьтны научнöй удж вылö, да пурйöн вөр кылöдiс, уджалiс Новгород обласътын топографическöй экспедицияын

техникон да совхозса рабочёйон. Сомын 1942 воо Семен Ёльош босытисны Сыктывкарса Коми туялан институто научной сотрудинокон .

1944 воо А.С. Сидоров лоо СССР-са наукаяс Академиялон Коми базаын старшой научной сотрудинокон. Кык во мысти лои филология наукаясса кандидатон, во мысти – докторон.

Уна во Семен Ёльош сетис и чужан коми кыв туяломлы. В.А. Молодцов, Илля Вась, А.С. Сидоров гогорвоодисны чужан кывйос кедзвотомлысь лексо, лосьодисны графика, литературной нормаяс. Семен Ёльош чуксалис пыртны сэтчо став сернисикасыяслысь озырлунсо, та восна и пондис найос велодны. 1924 воын сийо воли Изьва да Печора вожьясын. А.С. Сидоров медводдзаяс лыдын кутис лыддыны педтехникумса студентьяслы лекцияс комион.


1952 воын мунис Сыктывкарын кыв туяломлысь конференция. Сы борын, во мысти, А.С. Сидоров мунис командировкао Москвао, библиотекаын да архивьясын уджавны. Рака толысь заводитчигон сийо висымис. 1953 вося рака толысь 5-од луно Семен Ёльош кувсис. Сийос дзедбома Москваса Введенно шойнаын.

Ещо отчид тодчода: Сидоров Алексей Семёновичлон научной корсысьомьясыс воли йитчомаось литературоведениекод, археологиякод, фольклоркод, этнографиякод, историякод. Буретш тайо мортыс тодмодис коми войтырос медводдза коми поэт И.А. Куратовлон гижодьясон. Сийо воли Комиын чужан му туяломлы подув пуктысьон. Таысь отдор А.С. Сидоров гижис школаяслы да вузьяслы учебникьяс.

Дерт жо, Паль сиктын оз вунодны татшом ыджыд мортос. Сы нимон нимтома улича, библиотека школаккод отвылысь лосьодо выставкаяс да мероприятияяс, краеведьяс туялоны Сидоровлысь

ордпусö. 2007 воын Сыктывкарын петис Майя Бурлыкиналöн небöг «А.С. Сидоров. Жизнь и творчество».

ТОРЛОПОВ ГЕОРГИЙ ИВАНОВИЧ



Кор Сидоров нин помалис семинария да велöдис Емва вожын Кониса школаын, сэки Пальын, Сотчемвыв грездын чужисны ныла-зонма. Пиле Микол Микол Ивö, кодлön Пелагея Петровна гöтырыскöд челядьыс некыдз эз ловзьяны, кулалисны, и öнi тшöтш кувсис ичöt нылыс, ёна скöрмис да шуис: «Но ещö кö этия кулö, став öбразьястö керала да гöра улö шыблала!» Но пыис ловья коли. Тайö и вöли Ивö Ёгор - Торлопов Георгий Иванович - недыр мысти коми гижысь, вуджöдчысь, коми литература туялысь, критик.

Начальной школа помалöм бöрын Георгий уджалис Усть-Сысольскын кирпич вöчан заводын. Айкатыласа профтехшколаын босьтис слесар, кöрт кузя токар, дорччысь, жестянщик да трактористлысь специальностьяс. 17 арöссиянь куим во уджалис «Комилес» трестлön Ношульса трактор базаын. Кардорын куим тöлысья курсьяс вылын велöдчöм бöрын уджалис Луздор района комсомол комитетын, а сэсся ВЛКСМ-лön Коми обкомын секретарлön отсасысьöн.

Тани жö, Луздорын, Георгий Торлопов воччаасыс мича ныв Анна Андреевнакöд, кодкöд 1933 воын гöтрасисны. 1935 воын чужис первой пи – нимтисны Кимöн (Коммунистический интернационал молодежи – сийö кадся мода сьöрти). Мукöд челядьыс - Владилен, Валерий, Александр, Нина и Надя - чужисны нин Сыктывкарын, Нина

нылыс öнi на чуймöм сорöн висьталö: нимталiс пö бaть пиянсö Кимöн, да Владиленöн (Владимир Ленин), кызд пö сöмын менö кутшöмкö Лачекамераöн (Лагерь челюскинцев на Каме реке) эз нимты а?

1936 восянь Торлопов уджалiс редакторöн «Коми комсомолец», «Вöрлэдзысь», «Колхозник» (Сыктывдiн район) газетьясын, радиоын. Ассьыс «Виль керка» медводдза висьтсö Георгий Торлопов йöзöдiс 1936 воын.1952—1953 воясын вöли медшöр редакторöн «Войвыв кодзув» журналын. Гижысь котырö примитiсны 1954 воын.

1955 воын помалiс партийнöй школа. Вöли КПСС обкомысь пропаганда юкöдын веськöдлысьöс вежысьöн, Коми АССР-са гижысь котырлөн правленнеса веськöдлысьöн (1958 восянь), Коми радиокомитетын старшöй редакторöн, Коми радиоын шöр редакторöн. 1976 воын петiс пенсия вылö.

Георгий Торлопов пырис коми литератураö медводз кызди вуджöдчысь. Комиöдiс роч классикаысь нималана гижöдьяс: А.С. Пушкинлысь «Дубровский», «Слово о полку Игореве», В.Василевскаялысь, Викентий Вересаевлысь, Б. Горбатовлысь, Александр Авдеенколысь романьяс да мукöд гижöд. Сёрнджык шыödчис критика дорö да йöзöдiс коми литература йылысь некымын статья — Нёбдiнса Виттор, Тима Вень, Иван Вавилин, Николай Фролов (Сук Парма) да мукöдлөн гижöдьяс йылысь.

Таысь кындзи, Г.И. Торлопов вöли антология да гижöд чукöр, коми литератураысь бöрйöм гижöдьяс дасьтысьöн. Медшöр уджьяс лыдын: «Коми поэзия антология» (1967), Нёбдiнса Витторлөн куим небöга йöрым, Тима Веньлөн, Илья Васьлөн да Николай Шаховлөн (Сандрик Микол) бöрйöм гижöдьяс. Георгий Торлопов гижис «Писатели Коми АССР» справочник (петавлiс кыкысь — 1961, 1970).

1990-өд воясö чукöртис Илля Васьлысь литературно-критическöй гижöдьяссö, помалис Иван Куратовлөн гижöдьясын кыв йылысь ыджыд удж, кодi öнi на лэдзтöм.

2001 воын «Парма» журнал библиотечкаын петис Георгий Торлоповлөн кывбур небöг «Сиктын важөн нин кусисны бияс».

Кулис Сыктывкарын 2001 вося йирым тöлысь 10 лунö.

Георгий Иванович Торлопов - Коми культураса нимöдана уджалысь.

РАЗМЫСЛОВ АНАНИЙ ПРОКОПЬЕВИЧ



Торлоповысь кык воён сёрнджык чужис Размыслов Ананий Прокопьевич.

Кымын ылöджык мунö кадыс, сымын ярьюгыдджыка петкöдчö миян водзын сийö либö мöд мортлөн олöм-вылöмыс. Буретш тадзи эськö позис шуны Паль сиктсöветувса Сотчöмвыв грездын чужлöм-быдмылöм ыджыд коми поэт-лирик Ананий Прокопьевич Размыслов йылысь.

Прокопий Михайлович (Левö Ваньö Мишö Пронелөн) да Евдокия Павловналөн чужлис дас челядь, Ананий вöли мöдөн (1915 вося). Ичöтдырсянь быдмис сюсь да писькöс. Кужис рисуйтчыны, ворсис музыкальнöй инструментъяс вылын, фотографируйтис. 1931 воын помалис Емдинса II тшупöда школа. Тани Ананий видлис гижны первой кывбурьяс, öтиöс – «Дас» нима – йöзöдисны «ордым» журналын. Ананийлөн кывбурьясыс веськалисны син улö Виктор

Савинлы. Сійö и казяліс, мый Ананий - енбиа морт, да мөдөдіс литературной уджалысьяслөн курсьяс вылө. Курсьяс вылын Размыслов төдмасьöФедор Щербаковкөд, кодкөд сексянь доисны медбур другьясөн. Велөдчөм бөрын Ананий кутіс уджавны Коми небөг лэдзанинын редакторөн. 1933-1937 воясö велөдчис Вөлөгдаса автодорожной техникумын, уджаліс Луздор автотуй вөчигөн техникөн.

1938 воын Ананий перо улысь петө поэма «Медводдза любовь», коді лои Ананийлөн ыджыд вермөмөн, а коми литератураын төдчана вежтасөн.

1940 воын вуджис Сыктывкарө, уджаліс «Коми комсомолец» газетын.

Войнаөдз Ананий воччаасис Маша - Мария Ивановна Изьюровакөд, коді уджаліс детсадын, сэсся Минпросын. Ананий Серафим Попов другыскөд - кык пара - өтвыив свадьбуйтісны - ывла вылын тшай стөкан сайын. А ЗАГСын гижасьöма эз и ло. Заводитчис вөйна.

1941 воын Коми небөг лэдзанинын петіс дзик өти поэт олігөн петөм небөг - «Медводдза любовь» - кодөс Ананий фронт вылө мунтөдз козыналіс Серафим другыслы. Тайө козинсö Серафим Попов война чөж новлөдліс аскөдыс, а өні пуляөн писькөдөм небөгсö поэтьö аддзыны литературной музейысь.

Фронт вылын старшөй лейтенант Ананий Размыслов командуйтіс сапёрной ротакөн, воуйтіс Калужскөй да Смоленскөй областьясын, Дон ю косьөн вуджігөн ранитчиліс.

Көч 30-өд лунө Кременчуг кар бердын Большая Кохновка сикт мездігөн Ананий Размыслов пөгибнитіс. Татшөм дженьыдик сьлөн лоис олан туйыс, но кутшөм ярьюгыд! Мөд во тырө 100 во нималана

поэты! Коми йӧз оз вунӧдны Ананий Размысловӧс. Поэтлысь поэма да кывбурьяссӧ велӧдӧны школаын, шылад тэчысьяс гижӧны Ананий кывбурьяс выӧ сьыланкывъяс, а сьыланкывъясыс сэсса юргӧны Эжа ю пасьтала! Да уна во на юргасны!

РАЗМЫСЛОВ АЛЕКСАНДР ВАСИЛЬЕВИЧ



Александр Размыслов чужис Коми асвеськӧдлан обласьтысь Сыктывдін районас Сотчӧмвыв грездын 1927 воын.

17 арӧсаӧн муніс Айму вӧсна Ыджыд тыш выӧ. Тышкасис Литваын. 1945 вося лӧддза-номъя тӧлысь 24-ӧд лунӧ восьлаліс Москваын Гӧрд изьэрд вывті Победа парад дырйи. Сизим во служитіс погранзаставаын да морпогранохранаын. Сыктывкарӧ воӧм бӧрын уджаліс снабжение кузя уджъяс вылын, некымын во шопераліс дзоньвидзалун Министерствоын.

Александр Размыслов гижис проза. Сылӧн петавліс ӧти небӧг «Курыд зарава» (1993), кытчӧ пырисны кык повесыт («Курыд зарава», «Косьмывтӧм синва») да 9 висыт: «Никӧн-полой», «"Единоличник" Сидӧр Паш», «Ньӧжйӧ лэбӧ тополь пух», «Вышивайтӧм ковӧр», «Косявлӧм письмӧ», «Марпида», «Медбӧрья "гӧснеч"», «Зэр бӧрын», «Бать».

Небӧгкӧд ӧткодь нима повесыт йылысь сійӧ гижис: «Ме быдми Эжа берег дорын. Войнаӧдзыс на аддзылі мӧдлапӧлын Пычимса спецпереселенечьяслысь сьӧкыд оласногсӧ. Сэки, дерт, ме унатор на

эг гөгөрво. Та йылысь заводитлі гижны война бөрас, но ме пыр жö веськалі сідз шусяна диссидентö, талун-ö-аски арестуйтан списокö.

МГБ эз узы! «Специалистьяс» гусьон кыйöдчисны, чукөртисны налы колана «юөрьяс» ме йылысь. Но воис кад, и ме век жö «Курыд зарава» повестын водзöссö мынті, олөмö пöрти ассьым көсйөмөс — НКВД-са комендант Скобелевөс (сідзкө и став системасö) вöйти-меститі нюр пыдөсö, бур йөз водзас петлывтөм вылө».

Аслас повесът-висетьясын автор туялө-восьтö сідз шусяна «спецпереселенечьяслысь» сьöкыд удж-олөмсö. Сталинлөн культ воясö Украинаысь, Беларусысь, Шөр Азияысь да мукөдлаысь уна сюрс мыжтөм йөзөс көмтөг-пасьтөг вөтлісны гортсыныс да этапөн вайөдісны войвывса көдзыд Коми муö. Сьöкыд уджысь өтдор тайö войтырыслысь мырддисны став правояссö, но та вылө видзөдтөг вайөдөм йөз оз воштыны мортуйнысö — авьяөсь, кылөны-гөгөрвоөны мукөдлысь шогсö, сьөлөм дойсö, пыр дасьөсь отсыштны пикö воөм ёртныслы.

Александр Размыслов мөвпалö и научно-технической революциалөн воськовьяс йылысь. «Бать» висьтын көть сёрниыс мунö олөм мунөм да выль керкаяс лэптөм йылысь, но сэк жö петкөдлөма, мый керка кыпөдысьяс нем жалиттөг кисьтөны вөр-васö. Висьтавсьö сы йылысь, мый йөзыс кө уджалөны оз сьөлөмсянныс, сэки шогалö вөр-ва да ськөд өттшөтш и морт.

Ассьыс небөгсö гижысь петөм мыстиыс пыр жö и козьналіс Пальса библиотекалы, сёрнитчим лөсьөдны Пальса лыддысьысьяскөд аддысьлөм, но Александр Васильевич виччысьтөг кувсис 1994 вося көч төлысь 27-өд лунö.

Пальсаяс пидди пуктöны Александр Размысловöс, кыздз Айму вöсна Ыджыд тыш вылö ветлысьöс да коми гижысьöс.

БЕЛЫХ ИВАН ИЛЬИЧ



Иван Белыхлөн нимыс Комиын олысьяслы бура тöдса. Енбиа журналист да гижысь 42 воөн, буретш та дыра сийö зилис газетын, волöма республикалөн быд пельöсö.

Белых Иван Ильич (комиён – Илля Вань) чужис 1946 вося көч тöлысь 23 лунö Сыктывдін районса Паль улö пырысь Ивадор грездын видз-му уджалысьяслөн семьяын.

Илья Сиверьяновичлөн да анастасия Иосифовналөн Ванюк вöлікоймöд пиён, сы кындзи гозьяöс гажöдісны Николай, Алексей, Володя да Машук.

Школаын велöдчигөн на зонкалы сэтшöма мусмис коми литератураыд, мый сийö ачыс босьтчис гусьөн гижыштанвы мам кыв вылас кывбурьяс.

Пальса шöр школа помалöм бöрын пырис Коми канмуса педагогика институтö история-филология факультет вылö, ветлöдліс литературной кружокö. Коймöд ли нельöд курсын студенталигөн гижис «Веж кыз пу» медводдза висьтсö, кодöс йöзöдісны «Югыд туй» газетын. Ассьыс мöд висьтсö том гижысь петкöдлö Иван Торлоповлы. Иван Григорьевич лыддьяс висьтсö да шуас, колö пö, Иван, тэныд босьтчыны гижны, тэнад пö, тыдалö, артмас.

Сідзи и лои. 1965 воын пединститут помалöм бöрын пырис уджавны «Югыд туй» (öні – «Коми му») газетö корреспондентөн, сы

бöрын редакторöн, веськöдлысьсö вежысьöн. 1994 восянь уджаліс Коми небöг лэдзанинын веськöдлысьсöс вежысьöн да шöр редакторöн, 1997 восянь – директор.

Сійö вонас жö Иван Ильичлөн петö челядьлы да верстьöлы лыддьöм вылö висьтъяс «Öзи, бипурöй менам!» медводдза небöг.

Асьсö Иван Ильичöс телепитö бара сюрöдчыны журналистикаö. 1999 восянь Иван Ильич вуджö уджавны «Йöлöга» газетын отелса редакторöн, а сы бöрын пенсияöдз уджалö «Коми му» газетын.

2001 воын Иван Белых нимкодьöдö зонпосниöс «Челядьдырся пароходъяс» небöгöн, 2005 воын сылөн петö «Важыс уськöдчывлö вöтöн» небöг, сы бöрын – «Гуся керка» да «Кöмтöм кока челядьдырöй!» - бара челядьлы - челядьдырся казътылöмъяс да вöр-ва йылысь висьтъяс. Уна висът Иван Ильичлөн пыртöма школьнöй программаö. Белыхлысь висьтъяссö вуджöдлісны роч кыв вылö П.М. Столповский да А.В. Канев. И дзик став висьтъяссö – витнан небöгсö Иван Ильичлысь быдöн вермасны дон босьттöг лыддьыны Интернетысь «Коми кыв» сайт вылысь.

Белых Иван Ильич - Коми Республикаса культураын нимöдана уджалысь (1994) да Коми Республикаса правительстволөн премия босьтысь (2008).

Кузь нэм да бур здоровье сиам мян енбиа земляк Иван Ильич Белыхлы!

Оглавление:

Сидоров Алексей Семёнович	2
Торлопов Георгий Иванович.....	5
Размыслов Ананий Прокопьевич.....	8
Размыслов Александр Васильевич	10
Белых Иван Ильич	12

БИБЛИОГРАФИЯ:

1. **Размыслов, А.** Стихи, письма, воспоминания, критика. – Сыктывкар: Коми книжное издательство, 2005. – 288 с., ил. + вкл.
2. **Белых Иван Ильич** (Б. Ильин) // Мартынов, В.И. Литераторы земли Коми: биобиблиографический словарь-справочник. – Сыктывкар: Издательство «Эскөм», 2000. – С. 18-19.
3. **Бурлыкина, М.** А.С. Сидоров. Жизнь и творчество / М. Бурлыкина. – Сыктывкар: ГУ РК «Редакция журнала «АРТ», 2007. – 336 с.
4. **Тимин, В.** Литературасо сёлөмсянныс радейтысь // Войвыв кодзув. – 2013. – № 11. – С. 65-66.
5. [http://kv.wikipedia.org/wiki/Белых Иван Ильич](http://kv.wikipedia.org/wiki/Белых_Иван_Ильич)
6. [http://kv.wikipedia.org/wiki/Размыслов Александр Васильевич](http://kv.wikipedia.org/wiki/Размыслов_Александр_Васильевич)
7. [http://kv.wikipedia.org/wiki/Размыслов Ананий Прокопьевич](http://kv.wikipedia.org/wiki/Размыслов_Ананий_Прокопьевич)
8. [http://kv.wikipedia.org/wiki/Сидоров Алексей Семёнович](http://kv.wikipedia.org/wiki/Сидоров_Алексей_Семёнович)
9. [http://kv.wikipedia.org/wiki/Торлопов Георгий Иванович](http://kv.wikipedia.org/wiki/Торлопов_Георгий_Иванович)

**Лөсьодысь: Паль сиктса Ф.Ф. Павленков нима библиотека-филиалон
веськөдлысь Елена Тырина**